



## Publicaziuns officialas dils 27-08-2010

---

### Scamond d'encurrir bulius

Sebasond sils art. 11 e 12 dalla lescha davart la protecziun da plontas e bulius ha la Regenza dil cantun Grischun decretau restricziuns.

Ei setracta en special dil suandont:

- Egl interval dils 1 entochen e cun il 10avel di da mintga meins eis ei scumandau d'encurrir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis persunas.
- Il diever d'utensils per rimnar bulius ei scumandau.

Surpassaments da quellas prescripziuns vegnan puni a norma d'art. 16 dalla lescha cantunala davart la protecziun da plontas e bulius. Nus supplichein da respectar quellas disposiziuns ed engraziein per tutta capientscha.

Sumvitg, 27-08-2010

Suprastonza communal Sumvitg

### Uniun da dunnas Sumvitg/Cumpadials

#### Nus mein sin viadi

**Sonda, ils 4 da settember 2010** visitein nus la Glasi (fabrica da glas) a Hergiswil spel Lag dils quater Cantuns. Suenter la viseta ella Glasi gudin nus in bien gentar el restaurant Adler e vein lu aunc peda per visitar las stizuns da glas. Suentermiezdi fagein nus in pign viadi cul bastiment e silsuentar returnein a casa. Gentar, bastiment e pausa da caffè paga mintga commembra sezza. Il viadi surpren l'uniun.

#### Partenza cugl auto postal:

Cumpadials, Pensiun Degonda: 7.50 uras

Sumvitg, Plaz Lombriser: 8.00 uras

Fagei aschi bien e s'annunziei entochen igl **1. da settember 2010** tier: Marianna Monn, 081 943 19 82, Irma Collenberg, 081 943 26 79. Nus selegrein sin Vossas annunzias. *La suprastonza*

### Uniun da gimnastica dunnas Rabius (UgdR)

#### Invitaziun alla radunonza generala

**Venderdis, ils 27 d'uost 2010** allas 20.00 en l'ustria Surselva, Rabius. Da stedia participaziun selegra *la suprastonza*

## **Societad da tir Vial Sumvitg**

### **Tir obligatori 2010**

La Societad da tir Vial Sumvitg envida al tir obligatori: **Dumengia, ils 29 d'ost 2010 dallas 18.00–20.00 Adatg!** Tiradurs obligai ston presentar il camond da tir sco era il cudisch da sittar, resp. il carnet da prestaziun. Quei tir sa sulettamein vegnir sittaus mo quels dus dis. A tuts in bien siet gia ordavon e sin seveser a Plaun Petschen. *Societad da tir Vial Sumvitg*

## **Uniun sportiva Sumvitg**

Il viadi egl Europapark fagein nus ils **18 da settember 2010**. Tuts commembers e tuttas commembras che han plascher da guder quei di duein s'annunziar entochen ils **3 da settember 2010**. Damondas ed annunzias tier: Erika, 076 376 61 77 ni [erikabearth@sunrise.ch](mailto:erikabearth@sunrise.ch) Salids *Uniun sportiva Sumvitg*

## **Fiasta dil vitg a Cumpadials**

L'uniun da cultura e sport envida tuts vischins e tuttas vischinas da Cumpadials e Laus sco era parents ed amitgs d'ordeifer alla usitada fiasta dil vitg. La fiasta ha liug **dumengia, ils 5 da settember 2010**.

### **Program**

10.00 Survetsch divin e silsuentar aperitiv.

12.00 Gentar communabel sin plaz scola.

Suentermiezdi

– presentaziun da fotis dil vitg

– usitau «Gumpischloss» per ils pigns

Nus selegrein da beneventar Vus e da star da cumpignia ensemen. *Uniun da cultura e sport Cumpadials*